

KOMMUNIMUT PILERSAARUMMUT TAPILIUSSAQ NR. 15
IMMIKKOORTUP ILAA UNA PILLUGU

4B4 AVANNAMUT KANGIANI INUUSSUTISSARSIUTEQARFIK

NUUK

IMARISAI

1. ILITSERSUUT	3
2. PILERSAARUSIORNERUP NASSUIAATEQARFIGINEQARNERA	4
2.1 PILERSAARUSIORFIK	4
2.2 KOMMUNIMUT PILERSAARUMMUT TAPILIUSSAP TUNULIAQUTAA	5
2.3 PILERSAARUSIORNERMUT PERIUSISSIAQ 2023	5
2.4 ILLOQARFIIT PINGAARNERSAAT PILLUGU PERIUSISSIAQ 2035.....	6
3. AALAJANGERSAKKAT NASSUIAALLU	6
3.1 NAJOQQUTASSATUT AALAJANGERSAKKAT PINGAARNERIT	7
3.2 PILERSAARUTINIK TAAMAATITSINEQ	13
3.3 PILERSAARUSIAMUT ALLANUT TUNNGATILLUGU PISSUTSIT	13
3.4 PILERSAARUTIP PISINNAATITAAFFILIIFFII	14
4. AKUERSISSUTIGINEQARNERATA ATSIORNERA	16
5. ILANNGUSSAT	17

Kommunimut pilersaarut 2036-mut tapiliussaq
nr. 15 Inuussutissarsiuqarfik Kommuneqarfik
Sermersuumi Aningaasaqarnermut
Inuussutissarsiormullu Ataatsimiititap ulloq
21.04.2026 tamanut tusarniaassutigaa.

Tusarniaanermi piffissaq 22.04.2026 –
3.06.2026

Pilersaarut siunnersuutitut tamanut
saqqummiunneqarpoq 22.04.2026

1. ILITSERSUUT

KOMMUNIMUT PILERSAARUMMUT TAPILIUSSAQ SUNAAVA?

Kommunimut pilersaarummut tapiliussaq atorlugu kommunimut pilersaarummi pioreersumi allannguutit allaaserineqarput. Kommunimut pilersaarummut tapiliussaq atorlugu immikkoortut ilaat akimorlugit nalinginnaasumik aalajangersagaasut, kommunimut pilersaarummi immikkoortup ilai aalajangersimasuni pingaarnertut aalajangersagaasut allanngortinneqarsinnaapput kiisalu immikkoortut ilaasa killeqarfii allanngortinneqarsinnaallutik. Kommunimut pilersaarummut tapiliussaq illoqarfimmuut pilersaarutip saniatigut ataavartumik suliarineqarsinnaavoq.

ATUARNISSAANUT ILITSERSUUT

Kommunimut pilersaarummut tapiliussaq marlunnik immikkoortortaqqarpoq nassuiaat aamma aalajangersakkanut tunngasut.

- PILERSAARUSIORNERMUT NASSUIAATITAA pilersaarutip suliarineranut kiisalu pilersaaruteqarfiup killeqarfianut, pissutsinut pioreersunut kiisalu siunissami pissutsinut tunngasut allaaserisanik imaqqarpoq.
- AALAJANGERSAGARTAA aalajangersakkanik pilersaarummik piviusunngortitsinermi malinneqartussanik tamatumalu nassuiaatitaanik imaqqarpoq. Tassanittaaq nunap assinga ilanngutaq pituttorsimasoq aalajangersakkanut immikkoortup imarivaa.

PILERSAARUTIP SIUNNERSUUTITUT TAMANUT SAQQUMMIUNNEQARNERA


Kommunimut pilersaarummut tapiliussap inaarutaasumik akuersissutigineqannginnerani kommunalbestyrelsimi tapiliussassatut siunnersuut tamanut nalunaarutigineqassaaq, taamaalillutik innuttaasut soqutiginnittullu allat pilersaarutip imarisaanik paasisaqarsinnaaniassammata immaqalu aamma pilersaarut pillugu oqaaseqaateqarsinnaallutik akerliliissuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Kommunimut pilersaarummut tapiliussatut siunnersuut una 15 **piffissami 22. aprili 2026-imiit – 3. juuni 2026-p** tungaanut tamanut tusarniutigineqarpoq. Oqaaseqaatit kingusinnerpaamik ulloq **3. juuni 2026** nassiunneqassapput uunga:

plan@sermersooq.gl

2. PILERSAARUSIORNERUP NASSUIATEQARFIGINEQARNERA

2.1 PILERSAARUSIORFIK



Takussutissiaq 1 // Immikkoortup ilaa 4B4

2.2 KOMMUNIMUT PILERSAARUMMUT TAPILIUSSAP TUNULIAQUTAA

Illesornissaqarfimmi sulisut utaqqiisaasumik inissinneqarnissaasa periarfissaalernissaannut kommunimut pilersaarummut tapiliussaq suliarineqarpoq. Utaqqiisaasumik inissiffissaq piffissami killiligaannarmi akuersissutitut tunniunneqarsinnaavoq tassaniissinnaappullu containerit inissiffissat, tupiliat assigisaaluunniit nuunneqarsinnaasut.

Akuersissutip atorunnaarsinneqarnerata kingorna immikkoortoq torersarneqarsimalluni kommunimilu malittarisassat malillugit qimanneqassaaq. Immikkoortup kingusinnerusukkut atajuartussamik atorineqarnissaa pineqassappat, toqqavia imaluunniit nunataata suliarineqarnera qimanneqarsinnaasoq isumaqatigiissutigineqarsinnaavoq.

Immikkoortoq Illesornissaqarfiup inissiffissaatut atorineqarnera atorunnaarsinneqareerpat, immikkoortoq inuussutissarsiuteqarfittut ineriartortitsiffiusussatut atorineqassaaq.

2.3 PILERSAARUSIORNERMUT PERIUSISSIAQ 2023



Tak. 1 // Qitiutitaq 3 – Sulineq pitsaasoq

Kommunimut pilersaarummut tapiliussami Pilersarusiornermi periusissiaq 2023-meersumiit qitiutitat makkua pingartinneqarput:

QITIUTITAQ 3 – SULINEQ PITSAASOQ:

"Sermersuumi inuussutissarsiorneq tapersorsorparput suliffissatut periarfissat isumatuut aamma siuariartornissamut periarfissat qulakkeerumallugit. Tamatumuunakkut inuunitsinnut tunngavinnik pitsaanerulersitsisussanik aningaasaqarnikkut toqqammaviliisoqassaaq [...] Taamaattumik najukkami suliffeqarfiit pilersinneqarsinnaanerata, inerisarneqarsinnaanerata nutarsarneqarsinnaanerallu Sermersuumi peqataaffigissavarput."

Pilersarusiornermut tunngavigisaq una siunissami ungasinnerusumi inuussutissarsiornerup piujuartumik inerisaaffigineqarnissaanut tapertaassaaq.



2.4 ILLOQARFIIT PINGAARNERSAAT PILLUGU PERIUSSISIAQ 2035

Pilersaarusionermut periusissiami anguniakkanut tapitaliullugu kommunimut pilersaarut manna, Illoqarfiit pingaarnersaat pillugu periusissiaq 2035-mut, sammisanut aamma anguniakkanut tulliuttunut naapertuuppoq:

SAMMISAQ 5 - INUUSSUTISSARSIORNEQ KULTURILERINERLU INERIARTORTOQ

"Suliassaqarfinni assigiinngitsuni suliffeqarfinnik pilersitsisinnaanissamut ingerlatsisinnaanissamullu pitsaasunik sinaakkusissiormissaq qulakkeerneqassaaq."

3. AALAJANGERSAKKAT NASSUIAALLU


Kommunalbestyrelsip makku aalajangersakkat "Pilersaarusionerq aamma nunaminertat atorpeqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq (Pilersaarusionermut inatsit)" malillugu aalajangersarneqarput.

IMMIKKOORTUP ILAATA KILLEQARFILERSORNEQARNERA	7
§1 – SIUNERTAQ	7
§2 - ATORNEQARNERA	8
§3 - SANAARTORFIK	9
§4 - INISSAQASSUSEQ	9
§5 - ERIAGISARIAQARTUT	10
§6 – ISUMANNAALLISAANERMUT KILLEQARFILIUSSAT	10
§7 – ANGALLANNEQ PILERSUINERLU	11
§8 – ILLOQARFIMMIK NUTARTERINEQ	12
§9 – IMMIKKOORTUT	12
§10 - NUNA TAMAKKERLUGU PILERSAARUSIORNERMI SOQUTIGISAT	12
§11 - NUNAMINERTAT SANAARTORFIUSSAANNGITSUT	12
§12 – SULIARINERA	13

3.1 NAJOQQUTASSATUT AALAJANGERSAKKAT PINGAARNERIT

IMMIKKOORTUP ILAATA

KILLEQARFILERSORNEQARNERA



stk.1 Immikkoortup ilaa ilanngussaq 1-imi takutinneqartutut killilerneqassaaq.

stk.2 Immikkoortup ilaa immikkuualuttunut 5-nut avinneqarpoq, soorlu ilanngussaq X-imi takutinneqartoq

stk.3 Immikkoortup ilaa 16 ha-it missaannik annertussuseqarpoq.

§1 – SIUNERTAQ

Kommunimut pilersaarummut tapiliussami siunertarineqarpoq:

stk.1 immikkoortup atorneqarnera inuussutissarsiuteqarnermut, illersornissaqarnermut niueruteqarnermullu siunertamut atorneqartussanngorlugu aalajangersagaassasoq.

stk.2 Illersornissaqarfimmut piffissami killilikkami inissiffissatut periarfissanik sanaartornissamut aalajangersaasoqassasoq

NASSUIAAT:

SIUNERTAQ

Sanaartorfissaq D-imi Illersornissaqarfimmut piffissami killilikkami inissiffissamik pilersitsisoqassasoq. Immikkoortumi nakkutilliisut illuanut assingusumik inissiffissamilluunniit allamik pilersitsisoqarsinnaanngilaq.

§2 - ATORNEQARNERA

NALINGINNAASUMIK ATUINEQ:

B – Inuussutissarsiorfik umiarsualiveqarfillu

AALAJANGERSIMASUMIK ATUINEQ:

B1 – Inuussutissarsiateqarfik

- stk.1 Immikkoortoq avatangiisinut immikkoortiterinermi 2-p 7-illu akornanniitillugu inuussutissarsiateqarnermik siunertamut atugassinneqarpoq. Matumani ilaapput suliffissuit, inissiivik, quersuit, sanasunut suliffeqarfik, sannavik, assartuineq inuussutissarsiateqarnermilu assingusut.
- stk.2 Sukisaarsarnermi suliassanut sungiusarneq pillugu peqatigiiffiit garageanik assigisaannillu pilersitsivigineqarsinnaapput.
- stk.3 Imm. 1 eqqarsaatigalugu inuussutissarsiornermut pingaarnermut atasumik allaffissorneq allaffimmillu sanaartorneq akuerisaapput
- stk.4 Illersornissaqarfimmut inissiffissatut periarfissaagallartussaliortoqarsinnaavoq. Inissiffissaagallartuq najugaqarfinnik, ataatsimut atortorissaarutinik, matumani igaffiit uffarfiillu, kiisalu inissiiviit allaffeqarfiillu ilanngullugit pigineqarsinnaapput. Tamatuma saniatigut quersuit teknikikkullu atortuusiviit qamittoornermi innaallagissiorfiit, attaveqaqatigiinnermi atortuusiviit il. il. pilersinneqarsinnaapput.
- stk.5 Atortorissaarusiviit akornanni isertarnermut misissuivittalimmik ungalunik pilersitsisoqarsinnaavoq.
- stk.6 Immikkoortumi kapitali 5 tunngavigalugu suliffeqarfinnik pilersitsisoqarsinnaavoq, taanna pineqaatissinneqarsimasunut inissiisarfimmut imaluunniit immikkoortup ineriartortinneqarneranut sunniateqanngippat.

stk.7 Immikkoortumi nakkutilliisunut
inissialiortoqarsinnaangilaq.

NASSUIAAT:

ATORNEQARNERA

Immikkoortoq suliffeqarfinnut inissiaqarfiit eqqaanniissinnaangitsunut atorneqassaaq. Suliffeqarfiit nipiliorfiusut, pujoralaffiusut tipiliorfiusullu qulakkeerniarlugit, suliffeqarfiit taama ittut ingerlanneqarnerinut atasumik taamaallaat allaffinnik pilersitsisoqarsinnaavoq

§3 - SANAARTORFIK

stk.1 Quleriit pingasut tungaannut portutigisunik
sanaartortoqarsinnaavoq

NASSUIAAT:

SANAARTUKKAT

Sanaartukkap suussusia angissusaalu, taakkununga ilaatigut ilanngullugit sanaartukkat akulikissusiat, portussusiat ungasissutsimullu tunngasut malittarisassiornerat.

§4 - INISSAQASSUSEQ

stk.1 Sanaartorfissatut atugassiissutit 1-8
atorneqareerpata, immikkoortoq tamakkerluni
sanaartorfigineqareersutut
inissaqartitsiffiunngitsutullu isigineqalissaaq.

TEKNIKKIKKUT ATORTULERSUUTIT

stk.2 Immikkoortumi sanaartorfissat avataanni
pingaaruteqanngitsunik akerliliissutitalimmik
tusarniaareernerme teknikkikkut
atortulersuutilersuisoqarsinnaavoq. Inissiinissaq
Nukissiorfiit Kommuneqarfik Sermersuullu
akornanni isumasioqatigiinnikkut pissaaq.

§5 - ERIAGISARIAQARTUT

QANGANITSAT ERIAGISASSAT IMAALIALLAANNARLUGIT PEERNEQARSINNAANNGITSUT

Sumiiffimmi qanganitsanik eriagisassaqaarnersoq Kommuneqarfik Sermersuumit ilisimaneqanngilaq. Sumiiffimmi nunami suliaqarneq ingerlanneqassaaq Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maaji 2010-meersoq naapertorlugu.

§6 – ISUMANNAALLISAANERMUT KILLEQARFILIUSSAT

stk.1 Mittarfiup eqqaani nunaminertat immikkut piumasaqaatitaqarfiusut aalajangersaaffigineqarput, soorlu mittarfiup takissusia eqqarsaatigalugu manissumik ilaatigullu qummut aamma qummut amiliartortumik ilaatigullu mittarfiup takissusia naapertorlugu mikkiartortarfik tingiartortarfillu aalajangersaaffigineqarsimapput. Immikkoortoq mittarfimmi milernermi qangattalernermilu aporfeqanngitsumut ilaalluni inissisimavoq. Inissianut, sanaartukkanut aqqusinniornissamullu portussutsit portunerpaaffigisassaat assigiinngiiaarput, mittarfimmiillu ungasissuseq aamma qeqqani titarnermut teqqorissumik ungasissuseqarnera aallaaviussaaq.

IKUALLATTOQARTILLUGU ANNAASSINIARNERMI AQQUTIT

stk.2 Ikuallattoqartillugu annaassiniarnermilu aqquitit sanaartornermut malittarisassat atuuttut naapertorlugit atugassanngortinneqassapput.

NASSUIAAT:

ISUMANNAALLISAANERMI KILLIGITITAQ

Qaartartuusiviit, tankeqarfiit, mittarfeqarfiit, imermik katersuiveqarfiit, nalunaarasuartaaserisoqarfiit aamma nunaminertat ikuallattoqartillugu annaassiniarnermut atornerqartartut il.il. eqqaanni isumannaallisaanermut killeqarfiit.

§7 – ANGALLANNEQ PILERSUINERLU

- stk.1 Immikkoortoq Kuanninnguniit aamma Niaqomannguamiit aqqusineqassaaq
- stk.2 Utaqqiisaasumik atajuartussamillu sanaartukkat innaallagissamut, imermut, kuuffissuarnut kiisalu kiassarnermut attavilerneqassapput.
- stk.3 Innaallagissamik, imermik kissamillu pilersuinermut aqquitit aamma kuuffissuit nunap iluatigoortinneqassapput.
- stk.4 Inissiffissaagallartumut innaallagissamik, imermik, kuuffissuarnik kiassarnermillu pilersuineq sanaartukkat peerneqarnerisa kingorna peerneqarsinnaasunik nunap qaavatigoortinneqarsinnaapput.
- stk.5 Nunap qaavani imeq, tamatumunnga ilanngullugu imeq illup qaavanit kuuttoq kuuffissuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, pisuinnaat aqquqaannut, aqqusinermut sanaartorfiunngitsunullu akornusersuutaassanani.
- stk.6 Immikkoortoq Kommuneqarfik Sermersuumi eqqagassalerinermit aaqqiinermut malittarisassanut sukkulluunniit atuuttunut ilaatinneqarpoq.

NASSUIAAT:**ANGALLANNEQ PILERSUINERLU**

Immikkoortup ilaata angallannikkut sullinneqarnerat aamma pilersuinnermut atortut inissisimaffii, matumani aqqusineqarfiit aqqusersuutinullu ikkuffiit.

§8 – ILLOQARFIMMIK NUTARTERINEQ

Aalajangersaasoqanngilaq

§9 – IMMIKKOORTUT

stk.1 Nunaminertanut Oqartussaaffeqarfimmik isumaqatigiissuteqarnikkut inissiffissaagallartuq immikkoortunut agguataarlugu sanaartorneqarsinnaavoq

**§10 - NUNA TAMAKKERLUGU
PILERSAARUSIORNERMI SOQUTIGISAT**

stk.1 Aalajangersaasoqanngilaq

**§11 - NUNAMINERTAT
SANAARTORFIUSUSSAANNGITSUT**

stk.1 Sisoraatinut illernit immikkoortumi
aporfilersorneqannginnissaat
qulakkeerneqassaaq, ilanngussaq 2
innersuussutigalugu

stk.2 Aqquserniat sanaartukkanut inissiivissanulluunniit
atorneqassanngillat

§ 12 – SULIARINERA

Aalajangersaasoqanngilaq

3.2 PILERSAARUTINIK TAAMAATITSINEQ

Matuma kommunimut pilersaarummut tapiliussassatut siunnersuutip akuersissutigineqarneratigut immikkoortup ilaani immikkuualuttup killilersugaanera atorunnaarsinneqassaaq. Illoqarfiup ilaanut pilersaarut 4B4-2 pioreersoq immikkuualuttunut makkununga suli atuuppoq A, B & C.

3.3 PILERSAARUSIAMUT ALLANUT TUNNGATILLUGU PISSUTSIT

NUNA TAMAKKERLUGU PILERSAARUSIORNEQ

Kommunimut pilersaarummut tapiliussaq nuna tamakkerlugu pilersaarusiornermut naapertuuppoq.

NUNA TAMAKKERLUGU PILERSAARUSIORNIKKUT PERIUSUSSIAT

Periusissianik attuumassuteqartoqanngilaq

INATSISIT ALLAT ATTUUMASSUTILLIT

Inatsisinik allanik attuumassuteqartoqanngilaq

KOMMUNIMUT PILERSAARUT 2036

Kommunimut pilersaarummut tapiliussassatut siunnersuut nr. 3, immikkoortumi inissiffissamik pilersitsinissaq periarfissiinngimmat, Kommunimut pilersaarummut 2036-mut naapertuutinnilaq. Immikkualuttumi killilersukkat attatiinneqassapput.

PILERSAARUSIORNERMUT PERIUSISSIAQ 2023

Kommunimut pilersaarummut tapiliussamut siunnersuut nr. 3, Pilersaarusionermut periusissiamut 2023-mut naapertuuppoq. Pilersaarummi ukkataqarfiit makku pingartinneqarput:

Qitiutitaq 3 – Pilersaarutitut tunngavik atorlugu siunissami ungasinnerusumi immikkoortumi piujuartitsisumik inuussutissarsiutitigut ineriartornermut iluaqutaassaaq.

ILLOQARFIIT PINGAARNERSAAT PILLUGU PERIUSISSIAQ 2035

Kommunimut pilersaarummut tapiliussamut siunnersuut nr. 15, illoqarfiit pingaarnersaat pillugu periusissiaq 2035-mut naapertuuppoq. Pilersaarummi ukkataqarfiit makku pingartinneqarput:

Sammissaq 5 - Inuussutissarsiorneq kulturilerinerlu ineriartortoq

KOMMUNIMI MALERUAQQUSAT AAMMA ILEQQOREQQUSAT ATTUUMASSUTEQARTUT

Kommuneqarfik Sermersuumi eqqagassalerinerneq maleruaqqusat immikkoortumi atuupput.

Kommuneqarfik Sermersuumi anartarfilerineq imikumillu suujunnaarsitsinerit pillugit maleruaqqusat immikkoortumi atuupput.

3.4 PILERSAARUTIP PISINNAATITAAFFILIFFII

INATSISITIGUT ATUUFFIUGALLARTUT

Kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusionermut inatsit § 31).

Akerliliisinaanermut piffissaliussap naareernerani, piffissaagallartillugu akerliliissutinik tigusaqartoqarsimangippat nunaminertap siunnersuummi pineqartup, siunnersuummut naapertuuttumik illuliorfigineqarnissaa imaluunniit allatigut iluaqutigineqarnissaa Kommunalbestyrelsip akuerisinnaavaa (Pilersaarusionermut inatsit § 31 imm. 2).

Inatsisitigut sunniutaagallartut kommunimut pilersaarummut siunnersuutip tamanut nalunaarutigineqarnissaata tungaanut atuutissapput - taamaattoorli siunnersuutip saqqummiunneranit sivilisunarpaamik ukiumi ataatsimi. (Pilersaarusiortarnermut inatsimmi § 31 imm. 3).

INATSISITIGUT INAARUTAASUMIK ATUUTILERSINNEQARNERA

Kommunimut pilersaarutip, ilaatigut nunaminertamik atugassanngortitsinnikkut, piviusunngortinneqarnissaa kommunalbestyrelsip sulissutigissavaa. (Pilersaarusionermut inatsit § 29).

Kommunimut pilersaarummut tapiliusseq una inaarutaasoq tamanut nalunaarutigineqareerpat pissutsit pilersaarummi aalajangersakkanik unioqqutitsisut pissusiviusulluunniit pilersinneqarsinnaangillat. (Pilersaarusionermut inatsit § 30).

Pisulli ilaanni aalajangersakkanit sukumiisunit nikingasoornerit illoqarfimmut pilersaarummi aalajangersakkat sukumiisunit annikinnerusunut immikkut ittumik akuersissuteqartoqarsinnaasarpog. Nikingasoornerit pingaernerit aamma aalajangersakkanit pingaarnernit nikingasoornerit pissutigalugit nutaamik kommunimut pilersaarummut tapiliussalioortoqassaaq. (Pilersaarusionermut inatsit § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allangortinneqarnerat nutaanilluunniit illuliornerit kommunimut pilersaarummut tapiliussamut akerliussangillat.

Kommunimut pilersaarummut tapiliussap malitsigisaanik imaanngitsoq nunaminertat, illut atortulersuutillo pilersaarummi ilaatinneqartut, pilersinneqassasut.

4. AKUERSISSUTIGINEQARNERATA ATSIORNERA

Matumuuna kommunimut pilersaarummut tapiliusseq nr. 15-imut siunnersuut maanna Kommuneqarfik Sermersuumi Aningaasaqarnermut Inuusutissarsiornermullu Ataatsimiititamit akuersissutigineqarpoq ulloq 21.04.2026 aamma sapaatit akunnerini arfinilinni tusarniaassutigineqassaaq.


Kommuneqarfik sermersooq, ulloq 22.04.2026



Poul Petersen

1. Viceborgmesteri


//



Ole Jakobsen

Kommunaldirektøri

Siunnersuutitut tamanut saqqummiunneqarpoq, ulloq 22.04.2026






KOMMUNEQARFIK SERMERSOOQ



Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq nr. 15 //
Kommuneplantillæg nr. 15

**SIUNNERSUUT //
FORSLAG**

**ILISARNARATINUT NASSUIAATIT //
SIGNATURFORKLARING**

-  Immikkoorturni aggulunerit //
Delområdeinddeling
-  Immikkoortup ilaa 4B4 //
Delområde 4B4
-  Illut pioreersut // Eksisterende
bygninger


-  Aqqusineq // Vej
-  Pisuinnartunut aqqutissiaq // Sti

ILANNGUSSAQ 1 // BILAG 1

IMMIKKOORTOQ 4B4 //
DELOMRÅDE 4B4

Aprili 2026 //
April 2026

Utuut 1:5.000 // Skala 1:5.000
A4









KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq nr. 15 //
Kommuneplantillæg nr. 15

ILISARNARATINUT NASSUIAATIT // SIGNATURFORKLARING

-  Immikkoortup ilaa 4B4 //
Delområde 4B4
-  Immikkuualuutut // Detailområder
-  Illut pioreersut // Eksisterende
bygninger

-  Aqqusineq // Vej
-  Pisuinartunut aqutissiaq // Sti
-  Sisoraatinik arpaffik //
Langrensløjpe

ILANNGUSSAQ 2 // BILAG 2

IMMIKKUUALUUTUT //
DETAILOMRÅDER

Aprili 2026 //
April 2026

Utuut 1:5.000 // Skala 1:5.000
A4

SIUNNERSUUT //
FORSLAG